



**R. P. Sebastiani Izquierdo Alcarazensis Societ. Iesv Regii
Senatvs S. Inqvisitionis Hispaniarvm Qualificatoris, Et
Olim Complvti Sacræ Theologiæ Professoris. Opvs
Theologicvm, Iuxta atque ...**

Vbi De Essentia Et Attribvtis Divinis Vbertim Disseritvr ...

Izquierdo, Sebastián

Romae, 1670

Quæst. 8. Vtrum aliquis purus homo fuerit, aut potuerit esse causa
prædestinationis alterius.

[urn:nbn:de:hbz:466:1-77011](#)

Christi, sed etiam in his, qui præcesserunt. Nam argumenta facta quoad omnes in vniuersum probant propositionem datam. Quod autem Vazq. & Ruiz opponunt, propter præteritis non potuisse Christum orare specialiter: aliter autem, quam per orationem, non potuisse sua merita specialiter applicare, ut iij p[ro] alijs eligerentur; non erget. Primò; quia etiam pro præteritis potest oratio fundi præscindendo à præteritione, ut supra num. 137. probatum est. Et sane, si Christus non potuisse petere à Patre, vt eos Prædestinatos, qui ipsum præcesserunt, p[ro] alijs non Prædestinatis eligeret; nec potuisse petere, vt eligeret ceteros post suum aduentum sequentes: quia etiam horum electio præterita erat ab æterno. Pro utrisque igitur æquè potuisse orare perendo eorum electionem, censendum est. Secundò; quia, licet Christus per orationem non potuisse applicare sua merita pro his potius, quam pro alijs Prædestinatis, in ordine ad eorum electionem: potuisse tamen per ratificationem, sive per gratiarum actionem factam pro his speciali modo, seu speciali affectu, quo pro alijs non fieret, casu, quod alijs, & non isti fuissent electi à Deo. In quo nulla est repugnantia, non solum de potentia aboluta, sed nec de ordinaria: quidquid in oppositum Ruiz contendat. Vt enim igitur ex his modis Christus sua merita applicauerit pro Prædestinatis in ordine ad eorum electionem, causa specialis fuisse dicendus est, vt omnes, qui defacto prædestinati sunt, p[ro] ceteris non prædestinati fuerint electi à Deo, vt satis, superque ex dictis liquidum manet.

QVAESTIO VIII.

*Vtrum aliquis purus homo fuerit,
aut potuerit esse causa
prædestinationis
alterius.*

157 **Q**uestio est de causâ meritoria. Suppono ut certum, sepe vnum purum hominem mereri alteri de congruo aliquos prædestinationis effectus, etiam vocationem primam, à qua incipit series donorum gratiae, qua intrinsecè communicantur Prædestinato. Hoc enim pacto oratio Stephani imprimuit vocationem Pauli, ut communiquerent patres. Quo circa August. tom. 10. serm. 1. & 4. de Sancto Stephano dixit. *Si Sanctus Stephanus sic non orasset, Ecclesia Paulum non haberet.* Videatur Trid. less. 21. cap. 2. & less. 25. decreto de Inuocatione Sanctorum. Difficultas est, an hoc sufficiat, vt unus homo sit causa prædestinationis alterius.

158 Affirmat Vazq. 1. par. disput. 94. cap. 5. Quia putat, prædestinationem incipere à decreto prima vocationis, nec possit hanc sub meritum alterius cadere, quin sub illud cadat ipsum decretum, atque adeò tota prædestinatione. saltem in radice. Consentaneum Lessius disput. de Prædest. sect. 2. Cartagena de Prædest. discursu 11. pag. penult. concil. 3. Arrub. 1. par. disput. 79. cap. 2. & Alarc. 1. par. tract. 4. disput. 3. cap. 6. Addens, Beatam Virginem defacto meruisse de congruo prædestinationem omnium hominum, ut Christus meruit de condigno. Hanc tamen sententiam,

vt nouam, & singularem reicit Soar. lib. 2. de Prædest. cap. 24. dicens, non posse purum hominem alteri prædestinationem mereri: intellige de potentia ordinaria. Idem quoad questionem de facto docent Heric disput. 29. cap. 5. Ruiz disp. 58. lect. 2. Tann. 1. par. disput. 3. quest. 4. dub. 2. assertione 5. & alij, addentes, de possibili non repugnare, vt purus homo mercatur alteri prædestinationem.

Propositio. I.

Possibile est, purum hominem causam meritoriam esse de congruo totius prædestinationis alterius.

Ab hac propositione nemo dissentit. Constat enim, fuisse possibile, vt oratio Stephani non fuerit effectus prædestinationis Pauli: quia potuit à Deo esse prouissa ex alio fine, quam gloria Pauli. Quo casu bene potuisse Stephanus per illam impetrare à Deo integrum prædestinationem Pauli, non solum quoad omnes effectus externos, sed etiam quoad omnes actus internos Dei. Idque tam iuxta sententiam admittentem prædefinitiones glorie, & meritorum, quam iuxta sententiam eas negantem. Potuisse enim Deus moueri ad predestinationem Paulum sive ad gloriam, sive ad media gratie, sive ad verumque ex merito orationis Stephani, vt ex meritis Christi fuit motus iuxta doctrinam datum quest. 6. Addo, et si oratio Stephani fuerit effectus prædestinationis Pauli, adhuc potuisse Stephanum per alia merita ad prædestinationem Pauli non pertinencia ipsam orationem pro Paulo exhibitam, eiusque prædestinationem mereri.

Propositio 2.

Nullus purus homo defacto est causa prædestinationis alterius (excepta fortasse Beata Virgine, de qua statim.)

Amplector hanc propositionem propriam iorem eius auctoritatem. Eam enim tradit expressè S. Thom. 1. par. quest. 23. artic. 8. in corpore dicens. *Non enim precibus Sanctorum fit, quod aliquis prædestinetur à Deo.* Et ibi communiter Thomista. Tradunt etiam S. Greg. lib. 1. Dialog. cap. 8. à medio, & Profper lib. 2. de Vocat. Gent. cap. 36. Et supponit August. lib. de Dono perfec. cap. 22. & epist. 107. ad Viralem circa medium. Probari autem potest primò; quia oratio exhibita ab uno homine pro alio effectus est prædestinationis eius, pro quo oratur, ut constabit ex dicendis dispu. 4. Ergo nequit causa eius esse, saltem de potentia ordinaria, ne principiū aliquod meriti cadat sub meritum. Quod fatis est, vt defacto dicatur non esse, iuxta generalem doctrinam questionis prima: maximè quando ad id afferendum nulla argumenta cogunt. Sed estò, non sit oratio vnius pro alio effectus prædestinationis eius, pro quo oratur, aut certè cadat ipsa sub alia merita orantis ad talen prædestinationem non pertinentia iuxta dicta propos. 1. adhuc dicendum non erit, de facto per huiusmodi orationem, aut merita impetrari prædestinationem alterius. Quia id affirmari non potest sine positivo fundamento: quale non extat.

Fundamenta enim, quæ ab Aduersarijs adducuntur, aut adduci possunt, tantum probant, preces, aut merita viuis iusti prodeesse alteri in ordine ad obtinendos aliquos prædestinationis effectus, aut etiam vocationem primam. Ex hoc tamen non infertur, per ea etiam prædestinationem impetrari. Quia decreta ad ordinem intentionis præsumptivam spectantia, in quibus potissimum consistit prædestination, non eo ipso cadunt sub merito aliquod, quod sub illud cadunt effectus prædestiniti simul cum alijs decretis exequuntur. Per quam doctrinam patet solutio ad argumenta, quæ Aduersarij solent opponere. Secundo probari potest proposicio; quia, ut in Tractatu de Incarnatione tenet sententia magis communis, omnes Prædestinati, excepto Christo Domino, & Beata Virgine, simul, & in eodem signo prædestinati sunt à Dco. Ergo nullus eorum est prædestinatus ob meritum alterius. Quanquam enim hæc duo simpliciter non sint incompatibilia: de quo modo non curio. At certè ea cum ordinariâ, & magis connaturali prouidentiâ ægrè componi possunt. Omitto alias probations minoris momenti, quas adferunt Soar. & Ruiz. Sufficiunt enim istæ ad questionem defacto.

Propositio 3.

¹⁶¹ Beata Virgo causa fuit meritoria de congruo prædestinationis omnium hominum.

Probabilem mihi faciunt hanc propositionem plurima Patrum testimonia, quibus afferitur Maria mediatrix, & redemptrix totius generis humani eo modo: quo pura creatura tantum munus potuit attingere in confortio Filij. Necnon illa, quibus docemur, nullum beneficium nobis defacto communicari, nisi per Mariam. Quæ testimonia modò recitare non vacat, prout res posulabat. Plura eorum videri possunt apud nostrum Ferdinandum Salazar ad cap.8. Proverb. vers.19. & tom. de Concept. cap.21, per totum. Id ipsum validè confirmat doctrina satis recepta. & Patribus, atque Theologis afferentibus, Virginem Deiparam ante omnes alios Prædestinatos electam esse, ac prædestinatam à Deo, prout fatus clare significat illud Proverb.8. Dominus posedit me in initio viarum suarum, ante quād quidquā faceret à principio. & iuxta Septuaginta. Dominus creauit me iniutus viarum suarum ad opera sua. De quo plura Doctores in Tractatu de Incarnatione. Videatur etiam Salazar ad hunc locum, & tom. de Concept. cap. 2. & seqq.

QVAESTIO IX.

An detur aliqua causa, vel ratio ex parte Dei electionis Præstinatorum.

¹⁶² **O**Missa vniuersali fine omnium operum Dei, qui est ipsius gloria iuxta illud Proverb. 16. Vniuersa propter semetipsum operatus est Do-

minus. Speciale causam, seu motiuum inquirimus, cur Deus ex tot hominibus, quos creare decreuit, quosdam dumtaxat prædestinauerit, ceteris reprobatis? Cur tam pauci sint ab ipso prædestinati comparatione reprobatorum? Cur denique istæ determinata personæ potius, quam aliae, fuerint prædestinatae, aut prædictæ? Habuite Deus ad hæc facienda rationem aliquam: vel fuit pro ratione voluntas?

Propositio 1.

Cur Deus non omnes, quos crea- ¹⁶³ re decreuit, sed quosdam dumtaxat prædestinauerit, rationes assignari possunt ex parte Dei.

Ita docet S.Tho. 1.par. quæst.23. artic.5. & reliqui Theologi communiter. Soar.lib.2.de Prædestin. cap.25. Ruiz disput.9.de Prædestin. sect.2. & 3. Tam. disput.2. quæst.4. dub.1. & apud eos alij. Prima ratio sive motiuum huius diuina prouidentia est, quam tradidit Paulus ad Romanos dicens. Quid si Deus volens ostendere iram, & notam facere potentiam suam sustinuit in multa patientia vasa ira apta in interitum: ut ostenderet diuitias gloria sua in vasa misericordia, que preparauit in gloriam. Itaque ratio eligendi aliquos, & alios reprobandi ostensio fuit diuinae potentiae, ac iustitiae, & maior diuinae bonitatis, ac misericordiae manifestatio: quæ quidem eximiè erga Prædestinatos emitet, dum illi reprobatis alijs, eliguntur ad regnum, eisque ex ipsa aliorum reprobatione multæ, & maximæ prouenient utilitates. Secunda ratio prædictæ prouidentiæ Dei ab ostensione ceterorum attributorum capit. Ea enim ostendit Deus insuper longamitatem, benignitatem, & patientiam, tolerando Reprobos in hac vitâ, & ad poenitentiam inuitando. Ostendit liberalitatem, misericordiamque erga ipios, conferendo illis vitam, bona temporalia, atque etiam spiritualia ex vero affectu salutis eorum: ac tandem eos puniendo citra condignum. Ostendit amorem boni & detestationem mali in peccatorum punitione. Ostendit denique sapientiæ sue suavitatem, poteritatem, & efficaciam: dum relinquens homines in manu consilij sui eos connaturaliori quadam gubernandi methodo sinit iuxta arbitratum proprium incedere. Quo multi in baratum peccatorum, atque perditionis labuntur: non tamen sine ingenti bonorum prouenientia, quæ Deus ex eorum malis sapientissime, acque potentissime elicit. Tertia denique ratio prouidentiæ ei supradictæ ex maiori perfectione, ac pulchritudine Vniuersi desumitur. Quod certè, sicut perfectius euadit, pensatis omnibus, ex permissione peccatorum, quam, si nulla in eo peccata permitterentur, ut bene probat Ruiz disput.2.de Prouident. sect.4. & 5. Ita perfectius euadit, & potiori iure ex perditione Reproborum, quam, si nulli reprobarentur. Hæc, & alia similia sunt motiu, rationesque, quæ assignari possunt, cur Deus non omnes, sed quosdam dumtaxat prædestinauerit, ceteris reprobatis. Vide eas latè, & eruditè exornatas multæ Scripturæ, & Patrum auctoritate apud Ruiz tom. de Prædestin. disput.16. & 17.

Quæ fere eadem rationes reddi possunt, cur ¹⁶⁴ Deus longè plures reprobauerit, quam prædestinauerit. Quia, quod maior est numerus damnatorum